

Paerewa Paetae**Aronga** Hauora 1.3**Ingoa** Te tautohu i ngā āhuetanga matua o te kaitiakitanga me te hononga ki te oranga**Kaupae** 1 **Whiwhinga** 5 **Aromatawai** Ā-waho**Marau akoranga** Te Marautanga o Aotearoa**Kokonga akoranga** Hauora – Wāhanga Ako**Mana rēhita** Kua rēhitatia **Te rā i mana ai** Hakihea 2023**Te rā e arotakengia ai** Hakihea 2028 **Te rā i puta ai** Hakihea 2023**Te Whāinga**

Ko te whāinga o tēnei paerewa paetae he tautohu i ngā āhuetanga matua o te kaitiakitanga me te hononga ki te oranga.

Paearu Paetae

| | |
|-----------------|---|
| Paetae | Hei tohu i te paetae: <ul style="list-style-type: none">• Ka tautohu i ngā āhuetanga matua o te kaitiakitanga me te hononga ki te oranga. |
| Kaiaka | Hei tohu i te kaiaka: <ul style="list-style-type: none">• Ka whakaahua i ngā āhuetanga matua o te kaitiakitanga me te hononga ki te oranga. |
| Kairangi | Hei tohu i te kairangi: <ul style="list-style-type: none">• Ka whakamārama i ngā āhuetanga matua o te kaitiakitanga me te hononga ki te oranga. |

Kōrero Āpiti

- 1 I ahu mai tēnei paerewa paetae i te Taumata 6 o Te Marautanga o Aotearoa (Te Tāhuhu o te Mātauranga, 2017). E hono ana ki te Papa Whakaako mō Hauora kei: <https://ncea.education.govt.nz>.

| <i>Whāinga Paetae</i> |
|--|
| <p><u><i>Taiao, Hononga ki a Ranginui rāua ko Papatūānuku</i></u></p> <p>1. Ka arotake i te whaihua o ngā mahi me ngā tikanga a tētahi rōpū kaitiaki Taiao.</p> <p><u><i>Taiao, Hononga ki ētahi atu Taiao</i></u></p> <p>2. Ka tūhura i te mahi me ngā tikanga whaihua o te rohe, o te motu hei whakatairanga i te noho ora o te tangata me te noho haumaruru i roto i ngā taiao.</p> <p><u><i>Tangata, Huatau o te Whanaungatanga</i></u></p> <p>3. Ka whakaatu i tōna mārama ki ngā āhuratanga e puta ai te tuakiri whaiaro o te tangata, kia taea ai te whakanui i tōna tū motuhake me te tiaki i tōna oranga wairua, oranga hinengaro, oranga tinana.</p> |

2 E whai ake nei ngā whakamārama mō ngā paearu paetae:

Ka tautohu i ngā āhuratanga matua o te kaitiakitanga me te hononga ki te oranga:

- Ka whiriwhiri, ka whakaputa whakaaro ki ngā āhuratanga matua o te kaitiakitanga.
- Ka tautohu i te hononga o te kaitiakitanga ki te oranga.
- Ka taunakitia ngā whakaaro.

Ka whakaahua i ngā āhuratanga matua o te kaitiakitanga me te hononga ki te oranga:

- Ka whakaputa whakaaro huritao ki ngā āhuratanga matua o te kaitiakitanga.
- Ka whakaahua i te hononga o te kaitiakitanga ki te oranga.
- Ka āta taunakitia ngā whakaaro.
- Ka āta kōrerohia ngā taipitopito.

Ka whakamārama i ngā āhuratanga matua o te kaitiakitanga me te hononga ki te oranga:

- Ka whakatau i ngā tino āhuratanga matua o te kaitiakitanga.
- Ka whakamārama i te hononga o te kaitiakitanga ki te oranga.
- Ka āta taunakitia ngā whakaaro ki ngā kōrero tautoko huhua.
- Ka āta kōrerohia ngā taipitopito me ngā take i pērā ai te whakaaro. Arā, ka whakautu i te pātai 'He aha ai?', i te 'Ka pēwhea?' rānei.

3 E whai ake nei ngā whakamārama mō ngā kupu me ngā kīanga whaitake matua o te paerewa nei:

| | |
|----------------------|--|
| <i>kaitiakitanga</i> | Ko ngā āhuratanga o te āta tiaki i te taiao me ōna rawa, tae noa ki ngā taonga tuku iho, i runga anō i te tirohanga Māori. |
|----------------------|--|

| | |
|---|--|
| <i>ngā āhuatanga matua o te kaitiakitanga</i> | <p>Koia nei ētahi:</p> <ul style="list-style-type: none"> • te mauri me te tapu • te āhua me ngā tikanga o te kaitiakitanga o mua, o nāiane hoki • Ko wai ngā kaitiaki? E tiaki ana i te aha? • te mana whenua, te ahi kā • te mana whakaheke, te mana tūpuna • te whakapapa • ngā rāhui • ngā ture o nāiane, pēnei i Te Ture Whakahaere Rawa. |
| <i>te hononga ki te oranga</i> | <p>Koia nei ētahi:</p> <ul style="list-style-type: none"> • te pānga ki te mana, ki te kawenga o te whānau, o te hapū, o te iwi ko rātou ngā kaitiaki • te whakaora ake i te kaitiakitanga hei tikanga tuku iho • te pupuri ki ngā tikanga tuku iho a te iwi, a te hapū, a te whānau • te pānga ki te mauri o te whenua, o te taiao • te pānga ki ngā uri whakaheke. |
| <i>whakatau</i> | <p>Ka kōwhiria te whakatatūnga o ngā āhuatanga e aronuitia ana, waihoki, ka kitea te āta huritao.</p> |

4 Arā ngā Tikanga Aromatawai mō tēnei paerewa paetae, kei: <https://ncea.education.govt.nz>.

5 Kuputaka

| | |
|-------------------------|---|
| mana tūpuna | <i>power through descent</i> |
| mana whakaheke | <i>inherited status, mana through descent</i> |
| Te Ture Whakahaere Rawa | <i>Resource Management Act</i> |
| uri whakaheke | <i>descendant</i> |

Kōrero Whakakapinga

I whakakapingia ngā paerewa 91684-91689 e ngā paerewa 92056-92059.

Tātari Kōunga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233
